



Akcija **SIPA-e** na području općine Istočna Ilidža

Zbog izborne prevare uhapšeni članovi SNSD-a

Prema nalogu Tužilaštva BiH slobode lišeni Siniša Dodik i Radenko Mirković

Prema nalogu Tužilaštva Bosne i Hercegovine, pripadnici Državne agencije za istrage i zaštitu (**SIPA**) jučer su na području općine Istočna Ilidža priveli funkcionere SNSD-a Sinišu Dodika te Radenka Mirkovića. Kako je saopćilo Tužilaštvo BiH, njih dvojica se sumnjice da su na proteklim lokalnim izborima počinili krivično djela izborna prevara iz člana 154. Krivičnog zakona BiH.

Dodik je bivši poslanik SNSD-a u Narodnoj skupštini RS, dok je Mirković bio odbornik ove stranke u Sku-

pštini općine Istočna Ilidža.

Inače, na lokalnim izborima u Istočnoj Ilidži pobjedu je odnio SDS, s ukupno 3.562

glasa, dok je SNSD bio na drugom mjestu, sa 2.111 glasa.

Prema podacima Centra



Dodik: Bivši poslanik u NSRS



Mirković: Bio odbornik SNSD-a

za istraživačko novinarstvo, Dodik se SNSD-u priključio sa 19 godina, 1998. Prvi mandat u NSRS osvojio je na izborima 2006., a četiri godine kasnije i drugi. Na općim izborima 2014. kandidirao se za Predstavnički dom Parlamenta BiH, ali nije uspio osvojiti mandat. Trenutno radi u porodičnoj firmi "Galeb Internacional" d.o.o. Reagirajući na njihovo hapšenje, predsjednik SNSD-a Milorad Dodik jučer je izjavio "odlično, ako su krali, neka ih uhapsite odmah".

A. Du.